

CORONICA 2020

MARTIN CANTIENI

«Il luf tuorna enavos, vegn puspei ... na, ussa va el dalla ruosna giu. Aber quel po buca giu leu. Ussa vegn el puspei giudem ... giudem el cantun vegn el puspei siado, leu nua quei pegnuscal ... va puspei direenziun dallas vaccas, vegn encunter las vaccas, jawoll. Ussa attaccan ei el ... ussa attaccan ei el. El sto fugir, aber quei ei pervia dallas vaccas. Ussa lein mirar ch'el vegn siado cheu ... Ussa vegn el siado cheu. Cheu vesas el ch'el vegn grad da sut quella vacca nera. Ussa vegn el si sper la vacca nera ... emprova dad ir sur las vaccas anen ... stat eri, vegn encunter mei. Ti mo neu!»


Quai che tuna sco in commentari dad in giu da ballape è il commentari original da *Conradin Tuor* che ha observà e filmà il luf da pitschna distanza sin l'Alp d'Andiast (publitgà sin rtr.ch, ils 14-7-2020).

Ina partida strategica è era stada la votaziun davart la lescha federala da chatscha che vuleva - tranter auter - permetter da sajettar lufs gia avant ch'els fetschian donn. La vischnanca da Lumnezia ha perfin sistì la collavuraziun cun il «Project guaud da muntogna» perquai ch'il mainafatschenta da l'organisaziun, *Martin Kreiliger*, è s'engaschà cunter la lescha da chatscha. Cun talas acziuns e cun repeter ad in repeter il concul cun il crocodil dal lai da Turitg han ils aderents pers in pèr simpatias ed uschia era pers cnap la votaziun. Sper il gol ora!

Tge è la «C(o)ronica da l'onn 2020»? – Jon Bischoff (illustraziun) e Martin Cantieni (text) commenteschan, resumeschan e parodieschan per la FMR 12 eveniments ch'ans han occupà durant l'onn 2020. Jon Bischoff da Vicosoprano illustrescha la fin da mintga mais per la FMR il «Mais da pais». Martin Cantieni da Turitg ha tranter auter gudagnà quest onn la concorrenza litterara rumantscha «Premi Term Bel».

Strategias da luf

Part 7



ILLUSTRAZIUN JON BISCHOFF